


淡遠軒詩鈔卷三

涇川吳

寅畏堂著

男

銘曾誌之校字



對鏡

對鏡憶少時湯火能蹈之左史常成誦喜讀杜陵詩場屋久
顛躓抑鬱無所施以爲濟困須黃金且得周流快此心懷璧
揭月出探珠逐龍吟緣何貪而輕如文不肯平秦穆忽已哭
喪師震陵谷張良博浪椎走匿一何縮莫嘲貨殖子聖門有
端木能散推陶朱莫非因時蓄翻笑管夷吾猶然藉鮑叔忽
忽庸愚甚步趨日以蹙八十一州鐵鑄錯安可復白髮悲朝
淡遠軒詩鈔卷三

孤雁

征雁忽形單哀鳴意未安愈窮烟水闊更覺夕陽寒弓月心
常悸稻梁謀益難羽毛少顏色弋者尙何觀
何處覓芬芳蟬鳴感異鄉池塘初過雨楊柳又斜陽翼薄聲
能放風高響獨長清吟奚得遂幸爾遠螳螂

蟻

一虫何足羨義也便堪推不爲穿珠巧非誇負鏡材獨征無
有却聚處不相摧莫或輕微命閒來倚古槐

逆旅

無限淒涼况偏從逆旅尋憂愁叢病日風雨逼鄉心永夜砧
逾急一燈寒更侵登樓賦欲展感激不成吟

病

自謂身安泰胡爲病瘦羸非關從口入何處結心疑漸覺三
焦隔難防二豎欺賢愚無不盡勿藥是中醫

步家白齋同寓原韵

未能附尾趣輕裝君顧蒹葭不厭忙榻若高懸眞可惜酒雖
常設詎相當愧無好賦將徵謚惱彼新書遠擲康返棹索居
今已久何時風雨更連牀

夜讀有感

淡遠軒詩鈔

卷三

二

靜坐虛齋得自由長辭機械夜悠悠不堪變雅偏成誦無奈
離騷又見投依舊青燈原解默斬新紅豆詎生愁茫然掩卷
聊昏睡莫放鷄聲與耳謀

晨興

晨興本無事曳杖倚柴門水面雲初歛山頭日欲焚鳥聲穿
樹出人影向花分食力眞辛苦樵歌遠遠聞

步友人元宵大雪同余由白鶴峯至陳家花園飲酒見
贈原韵

一分情趣一分才雪嶺便如天上來錦句每憐歌妓唱燈花
喜逐笑顏開束身名教偏多慨放眼風光有幾回當望不嫌
雲掩月緣從妙友豁胸懷

步友人招飲解悶原韵

一事無成嘆拙才而今心已若寒灰可憐紅線難多遇爭奈
青春不再回積雪悠悠滅征路狂風發發撼停桅新詩慰寂
眞憐我不啻黃金更築臺
隔歲春生日就陽元宵風雨壓燈場曲邀此日周郎顧醉似
當年錦瑟旁夜半談心成夢短花前覓句引情長主人款客
兼酬咏解悶何須問杜康

步友人送別原韵

剛逢久雨始晴天別緒縈迴未別先若早風和花笑日盤桓
何處學神仙

原唱有綠酒紅燈卽是仙之句

閒人謾道我浮誇當此春韶兩鬢華猶幸同君連夕話不須
淡遠軒詩鈔

卷三

三

夢裏筆生花

一情宛轉萬難禁風雨光陰貴倍金欲解此中無限量請看
春水逐時深

門前小立看行舟不見榮華不見愁一聽君詩眞脫畧知勝
名利兩關頭

智者二十六弟之長安席上口占二絕送之

行遠三千里心傾十二時風雲思際會松竹預歸期

征路悠悠告別頻一朝分手幾經春山河勝蹟輸豪士風雨
來時憶故人

同友人宴賞牡丹

我老花前花較羸幽煩對此亦心平沾濡細雨逾生色搖曳

春風倍有情藉爾天香酣酒氣何如金帶宴耆英豪華不爲
衡門減淡泊聊隨草木榮

縱鷹

直上青冥一點無遙遙何處更追呼秋風記得提攜力自啄
鴟鴞不擊烏

客樅晚景

高秋蕭瑟客江東山寺鐘聲下晚空宿鳥飛鳴烟樹裏渡船
來往月波中詩情湛湛清於露鄉思飄飄快是風且向此間
頻飲酒頽然雲水一漁翁

閩中元夜由棕川泛舟之礪上偶成十五章寄友人

今夕何夕兮越鳥移所棲幽情暢未已倘伴隨水西日夜心
淡遠軒詩鈔卷三

四

無營俟此風波平更憐一輪月懸影千潭清不用登樓望興
高武昌城

涼意生衣襟舟懸天中心蟾波爭相輝精神喜能任駐此可
永年去此忍駸駸奚必師成連風濤起素琴

垂老散人清且狂趁此良夜發棕陽徹上徹下都無隔無限
清光滌我腸旣無滄海雨吟龍復少峽江猿嘯風遙遙如引
斗牛宿回首人間淨於珠此景此意非徒然云胡不作奇文
讀船輕潮漲去若飛華月攬之有餘輝忽覺天曙玉露稀湖
洄溯游從誰歸

月如盤兮應呼盤盤乎缺兮不復團神蚌盈虛差相似徒能
帆飛湖面寬今宵如行水壺裏冷然御風隨流丸但恐風軟

身無束忽從空濶淪狂瀾穩坐舟上心又戀玉闕何時容遊
觀宗親招我雲霞外天際飛下雙青鸞予既浩然思與俱在
下援上意未安結想非非幻成夢露華霑衣不知寒

吁嗟乎皓月無時不精神當秋夜兮景逾新銀河洗兮玉露
濯畫船迎送洵無倫璧彩忽從海底現釣之苦無干尋綸貼
飛那有垂天翼光華四溢仍依人心相印兮氣凝結渾然何
分前後身但愁東出西入太忙迫無如下民之安適冬雪春
雲常來侵故鄉故人殊懸隔晴霽魂與清風期或值三五之
落魄姮娥竊太真咽斧丁丁杵白不絕心煩熱蟾蜍玉兔揮
不去跋烏蟠桃無處設月與我一誰明明吾與輪二兩無缺
仰見繞樹之飛禽俯視魚躍中心悅影闌干兮神亦疲半空
淡遠軒詩鈔卷三 五
鶴警暫此別

並無絃管音稱此愛幽心水共月千里孤舟一一侵

一棹逍遙豁兩瞳且歌且咏出虛空烏啼夜半人誰伴素月

冰心萬古同

范文正公對月詩云月有萬古光人有萬古心

日夕船行好時晴景色鮮不聞風入樹逾愛水連天月彩融
波出蟲聲逼岸傳曠懷何所似四顧絕雲烟

時亦一中秋清光上下浮流長堪濯足木落更搔頭影與嫦
娥接神通貝闕遊此宵眞皎潔來月有之不

扁舟一葉動離思氣凌雲縱所之萬里風無知已感百花

洲已賞心馳

范文正公中元夜百花洲詩云未到中秋先賞月百花洲裏夜忘歸

水波蕩漾都

憐我雁影參差欲譜詩河漢迢迢低若注可知槎客未矜奇

鷓頭蟾影喜相尋秋水盈盈玉宇沉朗若懷珠川更媚寒疑
訪戴雪頻侵雲收夜動西江憶客散杯留北海斟

客棹時飲諸友人家

欲寄波心與岸上緣求雙鯉每臨深

盈盈月光深勞吾夜夜心心勞無可悲只恐盈又虧盈虧參
以齊愚者徒悽悽破愚惟飲酒眼前已不醜好醜無常形眼
白忽已青青白何時明自是世俗情

滿月人人憐我獨追初弦初弦日夜增神完形就圓形圓復
幾時方知吾心偏心偏達士嗤盍聽其自然當盈不思後當
虧不知前三五有定數人情何如天

聽如金石咏淵淵利澤應居萬物先無限流光常浴日有時
飛浪欲冲天性輪滄海情何極源溯銀河氣始全不敢望洋
淡遠軒詩鈔卷三六
齊上智十分煩惱九分捐

此際尙區區推之萬頃鋪雷霆與奔走霜露下虛無居上常
懷下履清能納汚妍媸情不易鹹淡味咸需有訓榮於善何
人辱以愚既盈而後進或鬥若爲驅怒蹴鳴琴島平開鑄鏡
爐因方忻折玉寡欲看旋珠德記貪廉異名應赤黑殊尋源
三伏見覺岸幾環紆樓閣空中起風雲鑑裏敷鼈非誇負地
道可大乘桴藏獸兼藏鳥出書隨出圖輕浮觀落葉迅速惜
瓊駒質弱何求載流西任自趨只期周隴畝那貴長珊瑚隱
約蛟龍窟形容日月符乾坤較濯濯鳧雁亦于于喜悅靈心
獨調和利用俱鯨鯢猶魴也山岳似螺夫朔望通潮汐洪濤
運斗樞安瀾降怪物澄景數吟鬚劇愛榮光發曷疑槎客誣

好由星宿海一直到蓬壺

蟋蟀

芳菊半庭陰微重感物深三更驚旅夢兩翼訴雄心促織宵方永吟秋志欲伸安居多遠慮如聽鼓鼙音

又題對鏡美人

粧臺花錦映鮮鮮月浸嫦娥不語天應是新婚眉更畫十分羞影十分憐

香

喜向叢蘭谷欣臨靚女粧爐紅烟裊裊釀熟氣洋洋異種須妨竊同居不覺揚抱來推物性憐自合詩腸春日花千里薰風水一方今宵飄月桂何待更爲芳

淡遠軒詩鈔卷三

七

鷺

地少蒼松鶴未栖孤鷺潔白可相齊生臣不食休題鳳靜夜知更欲咏鷄善轉應教書腕得成行那致陣圖迷品高戀戀將經換翅舞翩翩喜日躋已借聲音屏毒害肯庸毛羽禦寒淒優容莫怪生涯窄紅掌泛波蓮葉西

游魚動圓波

積水平如鏡潛魚灼在淵駢頭隨貫直潑刺暈波圓每向橋邊泛常從柳下旋游來疑雨脚戲去映荷錢想像珠流湧形容隙影穿全逢萍藻缺半到岸隄偏靜浪吹時細迴紋躍處妍悠然欣物化况對此源泉

梅花

眼前不碍寒侵骨雪裏從知暗有香好賦成時明月上和羹
未卜也非常

客秋漫興

舉目寂寥霜葉下披風瀟灑俗情捐任教白髮催年暮每對
黃花把酒先孤雁悲傷極天際羣鷄飲啄亂籬邊從來志運
難兼得總是天公付與偏

客秋獨自上山巔眼界空明感變遷極爽幾疑通碧漢盡歡
何必宴藍田花紅草綠回頭夢天朗風清卽日緣莫負當前
眞受用浮雲任看是誰先

看會

人聲鼎沸雜填塼篋瑞彩香風極禮儀大小鬼同物新故弛張
淡遠軒詩鈔卷三

八

弓與月盈虧翻奇百樣花經眼依舊千層柳拂旗值此豐年

何景象請看神道亦榮施

三年水災
各會俱寢

秋報春祈百物和好山好水助張羅朱連樵徑迷紅葉翠接
沙堤湧綠波不借風光飛野馬無須月殿駐嫦娥蒼然兩鬢
猶狂甚士女熙熙意若何

閒眺

雨後秋何淨望來萬象宜有情深厥水無賴拙於詩風揭行
雲薄鴉翻夕照披幘搏鷄兔影誰復諒鷹飢

觀劇

平無觸發便無思歌舞輕盈望自宜虬屈龍伸爭變化鬼輪
神窟出離奇忠奸是貌心何憤今古同時意亦悲楊柳日斜

人影散場空但聽鳥聲知
廓落兩間無異斯大觀小道意相師技能自是班門巧怪幻
如逢禹鼎竒七日千年同屈指蠅頭蝸角亦揚眉朝秦暮楚
情形改隔岸人猶唱竹枝

菊花

衆卉辭春瘁深秋菊自鮮珍宜兼及婢餐不爲期仙顧影荒
三徑寄懷重九天形容君子德消息美人緣淡遠詩猶未甘
香水亦然莫嫌霜露重老圃別經年

金魚

苕藻依何樂金魚躍有聲滿輪添活潑五色總晶瑩隱約穿
雲母玲瓏貯水精花身鬥形影龍尾識陰晴每喜鱗排字因
投食取名可能偕赤鯉駕霧到東瀛

九日

陰晴無定嬾登高且玩黃華且味螯獨坐茱萸何事挿頻傾
美酒曷辭勞才疎不爲題糕屈髮短還思落帽豪佳節便宜
開口笑強如瑣碎惹人嘲

九月十三日過湖

暗日掀天勢莫京風波險惡我心平范家驚悸非徒數猶怨
當年呂惠卿

竹屏十一兄以愛月夜眠遲詩五首見示捧讀數四不

覺情動知其感人深矣謹和五首效顰之誦所不惜也
愛月夜眠遲行庭我影隨當空渾欲洗一足便無虧遙憶人

千里凝神雪滿規，羅衣寒不覺珍重景頻移。
寡營夕殮早愛，月夜眠遲絕少人聲雜。都忘桂露滋飛鴻響，
已遠故我立猶癡。欲把嫦娥問經天到幾時。
有鏡形何遁如弓，暈不虧檢書心事遠。愛月夜眠遲，杯酒光
常浸帷燈影乍離。盈虛歲十二五十歲方知。

何如天一碧，頃閱歲千斯。旅客驚鄉夢，佳人動遠思。登樓神
境別，愛月夜眠遲。迎送徒能爾，東西但聽其。
謾說瑤堦冷，情深曠代師。此時消塊壘，行處聽墳簷。化盡山
河迹，照之肝膽知。杜陵詩再咏，愛月夜眠遲。

人跡板橋霜

行裝催暮歲，夜月出長橋。聚板霜逾潔，征人跡孔昭。看來花
淡遠，軒詩鈔卷三

卷三

十

乍碎踏去響，偏驕雁齒形。同冷鷓行印，未消趾憐青。女錯影
與白虹超，足縮心猶凜。踪寒背似澆，只因風觸發。不信絮輕
飄，誰把驪歌和鷄聲。湧曉潮。

跋湘南集

文章盡在性情中，感慨無端逐化工。調入笙簧和百鳥，緣穿
花柳有東風。

何事無懷與葛天，北窻吟咏自超然。襟披竹影微涼起，流韻
如聞撫五絃。

黃花勸酒酒相酬，任放寒蛩與耳謀。一聽鸞聲併鶴唳，幾疑
張樂洞庭秋。

不爲榮華不爲愁，三冬閉塞好藏修。要知高潔誰相似，天際

終南積雪浮

對酒

天地之間我匪他
一生一死互高歌
無生尙負歡娛少
不死爭勝感慨多
我死我前過去了
我生我後未來何
酒池現在浮沉我
醉死醒生不斷波

清節比秋

最是高秋迥空虛
萬象呈澡身知節
峻浴德及時清士
愛金心見人憐玉
宇明品端如菊淡
禮肅仰天晶朗朗
冰壺澈澄澄水鏡
瑩珊瑚光並潔河
漢影初橫風月原
無價樓臺獨寄情
行藏逢 聖代啓沃
盡忠貞

西山書屋卽景二十九首

淡遠軒詩鈔

卷三

十一

我愛西山好清風
入夏揚高林薄雲
漢衆鳥門笙簧麥
壓兒童汗茶分幼
婦香溪東明夕照
萬屋有餘光

昨夜風雷疾郊原
雨意肥濕雲懸樹
杪涼氣透書幃翠
靄和烟過泉聲帶
鳥飛農夫喜澤渥
相見語依依

忽聽鳩喚婦林麓
媚新曦山滴眉梢
黛蛛添屋角絲土
耕光澤澤秧挿影
離離寓目成佳趣
何容覓瑞芝

山靜卽仙家高低
一徑斜畫圖迷暝
色鼓吹引清蛙含
象空空水無名色
色花何人落金彈
隱約綴枇杷

談心藉弟兄適性
自增榮烟到林邊
聚螢依草際明竹
搖思引鳳梅落想
和羹况有多情月
清光向我傾

無處覓新題悠悠
物我齊人看隔溪
小雲喜入山低不
借臨

風錦遑言似木鷄偶然問流水東去幾時西

但覺幽居愜而忘節序移新蔬茁香圃小鴨門清池墻缺層巒露篁疎落日窺琴書舊相識對此動遐思

當戶每開襟風光散我心苔滋三徑滑柯聳半庭陰蜂影離還合蟬聲澁更沉衆生忻有托早已助清吟

氣撲天香入北窻高臥涼爐烟駐細細遠樹鬱蒼蒼慮息山逾靜心閒日更長飛禽浴夕照毛羽碎浮光

農事西郊滿薪樵業暫停高梧瀉疎影碧草抱微馨化境周兼蝶山光尹門邪此時不浮白何處更垂青

更喜時和候鍊雲生水功淡烟籠竹翠微雨點花紅窻闌偏延爽林深自道風無端啼布穀儼若和轅童

淡遠軒詩鈔

卷三

十二

天絕屯膏意人多待澤心桔槔方闕響震霖益爲霖白氣連村潤青痕入竹深苗興田漠漠望去景沉沉

時晴復時雨雨歇自然佳花樣新翻出詩牌淨若揩鳥聲滑更碎日色淡偏皆到處堪遊目無才亦放懷

一日幾高歌隨時樂意羅龍鬚應答拜醉尉不須訶問雨蕉知早分風松得多山中饒草木月旦慎毋訛

咏物難窮物任吾是慰吾搖風驅白鳥投骨引元駒日脚紅翻水烟痕綠繞蒲胡然一思索辜負睡工夫

日射當窻木風翻滿室輝硯池浮碧氣藜杖拂陰霏好鳥穿如織晴絲綴欲飛更憐杯落影竹葉綠添肥

好雨侵晨急野人斜白題雲吞山半截烟壓竹全低點水珠

爭躍霏林玉亂啼飛垂避雀啄帶濕入窠棲
萬物忽潛形廉纖夜未停書燈照涓滴螢火散零星草蔓催
疑破桐聲洗可聽雨人情獨摯寂寞笑秋庭
雨師施太奢幾日辟雷車晝被雞啼晦叢添蝶抱斜身心綿
潤澤智慧欲萌芽小芥堦前泛令人憶客植
獨坐意淒淒無心玩滑稽波橫泥路斷岸曲板橋擠勢驟疑
晴逼聲多入耳迷不停風過木濕翠壓簷低
忽覺人心快羲和把日推白雲風引去青穀鳥呼回泥落牧
童背珠明浣女肥簷前尙聞響殘滴下疎槐
喜寂不知單書齋五月寒微吟陪自坐虛籟若交歡徑濕山
餘滴林陰翠欲搏陶然一屈指屈五射金盤

淡遠軒詩鈔

卷三

十三

畫靜無來客神清絕俗羈臨流思學海把卷對蒔苗舒屈如
靈寶芬芳喜乳妖雲山何所有早晚聽雞潮

林護鳥巢高風吹爽籟豪茶僧調雀舌雲母展蛟毫滴硯思
通月蓄蘭傷變騷平常杯影側醉墨可成桃

不辨多歧路聊休百桷亭眼昏榴炫赤髮白艾分青雲蓄山
巒勢藤盤科斗形陰濃暑未到小立自惺惺

當午自傾壺何來羽客符弔忠舟忍泛醫國藥先須知命能
高戶流風許借襦香蘭湯竟浴好與辟邪俱

角黍射辭勞猶憐屈賈曹聽纔屏反舌食早戒邪蒿益智餘
筒粽消愁剩濁醪天中節已過感慨借詩逃

無心感乃東滿地草香同火齊丹榴吐桐花白雪融荷疎聽

雨灑竹密看螢通未了詩文債誰云學送窮

一震奔雷疾漫天急雨淋黑雲翻水立翠岫隔簾沉不辨蒲
荷響如藏龍虎吟須臾農望足返照透疎林

前題

暮烟曙色一溪分鷄犬絃歌細細聞草接風光爭掩映竹篩
日影落纈紛秧針搖綠初穿水麥氣浮黃欲卷雲問雨課晴
眞事業尋章摘句負辛勤

和家雲溪六十初度元韵

籌數同加梅放天萬家燈火簇新年方來時日追淳古直讀
經書到自然德植根株深有蔭詩成風月浩無邊操觚敢謂
聯佳句祝壽須憑自壽傳

原韵有作詩
自壽之語

淡遠軒詩鈔卷三

十四

美人晝睡

帳揭窻明體未伸海棠嬌嫩足精神憐他玉臉春含笑彷彿
陽臺夢裏人

皖江懷古

元綱潰壞動權豪守土貞臣不憚勞早已全軍明節義豈無
微策挽波濤狗城一旦忠猶憤拒敵數年功已高從此馳驅
難逞志喪師失地後號咷
屠殺盈城取可悲戒嚴將士守何爲試看皖水兵權過直搗
江州志已離掩襲壽輝忠義阻誤除普勝智謀疑生成鷲悍
終無益一敗身亡尚未知

病

六尺微軀百病投平時疎放亦何尤肥甘到口皆荼毒粉黛
羅前總寇讐熱發一身眠熾炭痛深四體拂挾油要知壽數
生來定勢日增兮且自由

或增或減總難痊衰邁安任苦萬千醫說古方會勿藥夜期
天曉竟如年涼纔透內寒偏重睡未移時夢轉顛養正辟邪
邪自去方前未病倍超然

又

牽愁惹恨日無停病久支離一戶庭藥不相關閒得句酒難
深酌忍爲醒池蓮雨過空搖綠竹簾塵封未展青擬自桂飄
沿菊放開懷直到醉魂馨前人有梅花香
遍醉魂馨之句

五日抱病在牀聞各處設水戲甚盛

淡遠軒詩鈔卷三十五

想像龍舟盛紛紜士女傳五絲將續命百戲枉空前粉汗飛
紅雨香蘭化白烟風雷一時疾沉靜夕陽天是日午
後大暴

感事 有引

包夥廿一歲家赤貧母少寡矢志黻出外數載未歸
舊正回家母見之謂人口向日我欲死而不可死今
日我可死而不欲死蓋喜其子之能立而又慰其事
可竟成也不意夥于六月十五日忽焉身故病纒三
日耳地遠天炎母子不能相見嗟乎死者誠已矣我
思伊母前日喜慰之詞正不知其聞信之後將作如
何悲痛耶感而賦此

新烝暑熱氣難平倏忽顛危更動情親老無家何以死天憐

有德可重生魂歸早欠安三日三日後信
方可到家指破無緣徹五更

伊將病時云五更心 每嘆山林鳥分散幾傷嶽麓虎縱橫
焦不知家母安否

終姑撫子極貧窮萬苦親嘗意念豐天地寬容側身立幽明

阻隔一心通家成有日非難死兒好無年肯謂功白髮七依
貞孰著不平吾欲訴蒼穹

遣懷

寶如風月不須錢安問詞源出峽泉竹重干霄原數尺庭輕
止鳥便三年摧殘菊蕊終難落蕩碎荷珠忽自圓半世疎狂
酒陳力看花騎馬入雲烟

筆嘆

可嘆毛錐子孤余少壯時探來常減色掃去不成師竹削書
功未花生入夢遲管城封有日盡瘁問誰知

墨嘆

笑汝亦無靈消磨白脫形松烟化初綠柳汁染難青早愧龍
淡遠軒詩鈔卷三
十六
賓見翻憐海水瞑胸中何所有古蹟未頻經

紙嘆

雲羅映更彰金玉色輕揚送上披織手鈔來鎮洛陽響動芭
蕉韻舒聞柿葉香今何並魚網向日雨無光

硯嘆

我亦能銘汝冥頑不解謙聞雷會起蟄映月遂通蟾註易花
香入逢年雀影添浴池水相薄聲色動幽潛

病中苦雨

一月眠牀困轉癡浹旬霉雨悶添悲垂簾晝晦全憑燭供粥
蔬稀盡沒池苦憶聖明洪水日驚聞親友謫官時誰將疾隱
祈蒼帝雲豁中天未覺遲

房榻居然抹翠微。門前應見轍魚肥。腸迴聲轉盤渦峽。身垢膠粘匪浣衣。却扇難辭蚊銳進。擁衾翻受蚤多歸。陰陽愆伏醫誰解。避患求安欲奮飛。

病後感懷步後園

優游少長費年華。病後回思枉自嗟。幸不盜名將就木。愧無報國已忘家。眼迷五色將投筆。心擬雙南孰汰沙。衰老只宜閒種樹。安望樹老燦竒葩。

種樹閒來怯物華。一心休息便無嗟。棋忘勝負堪隨俗。詩涉虛無當出家。不假長繩繫落日。誰憐老馬逐飛沙。偷安已道將灰木。又喜詞人發藻葩。

時聞瑤泉弟欲可姪入泮不禁色喜

喜弟瑤泉姪欲可入泮作此遙賀俚不果寄

談遠軒詩鈔卷三

十七

喜到安知弱不任。精神未復動高吟。風流碧草輝王謝。響遏行雲壓竹林。桃李須花齊刮目。芝蘭同室久薰心。公明何獨歎年少。枯槁猶將舊業尋。

秋翁感懷步後園

病後感懷步後園

優游少長費年華。病後回思枉自嗟。幸不盜名將就木。愧無報國已忘家。眼迷五色將投筆。心擬雙南孰汰沙。衰老只宜閒種樹。安望樹老燦竒葩。

種樹閒來怯物華。一心休息便無嗟。棋忘勝負堪隨俗。詩涉虛無當出家。不假長繩繫落日。誰憐老馬逐飛沙。偷安已道將灰木。又喜詞人發藻葩。

淡遠軒詩鈔卷四

涇川吳寅畏堂著

男銘曾誌之校字

病後扶杖戲述二首

未病之前體尙強誰知病後草經霜賴爾離奇九節杖支吾
委脫一皮囊昏依棊几虛吹火晝曳柴關早出鄉可肯偷閒
三十載還呼將伯上朝堂

休嫌健步便相辭用舍行藏爾可知吐鳳無緣穿竹徑化龍
何日到天池鳩來每慮陰時雨水湧全忘卓錫師夏葛冬裘
同一致懷君應屬百年期

淡遠軒詩鈔卷四

病後偶吟

一病昏昏歲月更頽然無意結鷗盟花非憐老晴常眩夏不
飛霜鬢欲爭開卷何求破萬卷養生差可了餘生精神縱復
心須定金羽隨人說重輕

鷹嘆

予所飼鷹羽毛已滿飛而止者數次一日問云適飽
食颺止屋上顧盼移時乘風冲上杳不知所之也予
聞之飄飄有凌雲之意情見乎詞後友人談及乃知
奴僕斃之耳聊復賦此

飛鳴恍惚化鳩初滿意雲霄賦子虛勁翻駢成追雉尾雄才
感激拂衣裙骨銷空說燕王馬身盡猶誇鄭相魚粗莽偏諳
校人詐行將誅責已年餘

四時咏懷

人生由分定我輩復誰倫曠達初無物休明着此身朋儕詩
酒合山水夢魂親桃李開方盛誰知松柏春

飄然春已去宇宙半雷聲澹滄蛙鳴水高田麥壓城雲來千
嶂重風過一身輕窻下羲皇侶歌謠幾次賡

未虛春夏日節序自然秋陳力應知寶防心不到愁仁風禾
黍態故我稻梁謀好看長江月清光百道流

菊梅花可並不復辨秋冬漸覺寒威逼頻來瑞雪封用憐文
史足氣到酒杯濃宅朔行言易何煩耀燭龍

卜居

赴海奔流不自知蓬麻蘭谷更何之虛云膠柱絃非直可是
行舟劍未移花入春風笑將語雲留江樹擁難垂關心華表

談遠軒詩鈔

卷四

二

離羣鳥隨意林間擇一枝

身嬾何須不繫舟居安任上最危樓堂庭馥馥芝蘭臭襟帶
泠泠廉讓流無號幾忘五柳宅有亭便擬百花洲牙籤几席
周遭在白髮飄然笑莫愁

山不高兮水不深去來何阻任吾心水流星月常輝夜山韵
松篁未鼓琴聞寂門無好事酒葱籠園有倦飛禽焚香默坐
稀鄰近墻失秋波箏失音

古道衡門正不斜九遷五就總能家梁間依語尋常燕簾外
度香三兩花畏客應憐羊叔鶴避炎須戰邵平瓜樓頭屋角
風塵息望遠心閒歲月賒

露坐

雨過清宵景物幽
天時人事共悠悠
無多渴想茶添味
自有權顏酒少儔
坐久高憐星斗靜
神閒迥覺桂林秋
蛩聲咽露沈
初起響抱花陰水暗流

秋雨

已涼天忽熱
顛倒易衣裳
日下雲纔黑
雷風助雨狂
濯熱益生涼
飄閒却又忙
簷前聲不斷
晝夜各分量
不聞人語響
但鬱象烟香
泉湧盆魚出
循堦欲上堂
摧殘惜海棠
那見桂花黃
泥滓難移步
熒熒獨在房
蛛絲斷復續
畫軸直添長
遙憶平湖水
波濤接混茫
戶結雲衣重
窻輝水帶颺
飛虫寂無見
兀坐慰愁腸
銀海憂昏暗
墨池多寵光
詩書難檢閱
臭亦有芬芳

談遠軒詩鈔

卷四

三

倉間稻吐芒
堤上柳凋傷
客燕隨飛石
鳴雞早在桑
滿耳盡瀟湘
無心遞綵囊
影寒燈動壁
蕭瑟客中嘗
點注琴流水
飄零劍拂霜
故人稀且老
未得數聯床
薄暮由杜塢
陸行之池郡

日出揚帆到落時
舍舟策馬赴城池
追陪古月招清影
憑藉秋風寄遠思
行路難逢青眼客
問名誰誦白衣詩
勸懲當法篇三百
閭巷明堂可並垂

舟泊小缸窰

江南秋已老
紅葉艷將零
水繞扁舟穩
車看石徑停
宿禽逾顯白
秀柏獨餘青
追憶同人咏
空悲旅雁形

家園有紅葉唱和集

湖東阻風

舟行不覺小風雨，忽淒淒波浪尋常立。湖山咫尺迷長年，嘆短景故我試新題。舉向寒猶逼，拳身動輒擠。衣單不勝濕，薪缺已無炷。飲食杯盂限，眉頭日夜低。三人併薄命，一葉蕩危隄。信宿難成夢，魚龍穩自栖。前知今古少，到此智愚齊。所貴安能待，晴明濟水西。

過湖

風小波仍湧，人飢釜不然。一時食用力，兩槳似爭先。起落從天降，縱橫破敵前。試看湖已過，立志總須堅。

途中題紅葉

湖畔山邊每有村，風前馬上更銷魂。開尊學士顏初發，臨水佳人淚有痕。自信尋芳成幻夢，無須把臂問名園。居然老樹淡遠軒詩鈔卷四四

同心賞莫笑，狂夫兩眼昏。

途中聞砧

瑟瑟秋風馬上先，水清山紫暮凝烟。聞砧更念無衣擣，可得寒雲盡化棉。

迷路

信口詩篇咏無心，徑路通未遑。師老馬只爲步，良工繞蔓花。難出尋源水，欲窮教余不遠復。如障百川東，適有老者指引上路

春郊偶步

草復草兮花復花，水流清淺間明沙。事無容訴深於慨，詩到刪繁益見華。心定何妨看舞絮，顏衰偏得駐流霞。芳朝欲暮棲禽急，送我歸來落日斜。

生日感懷

忽焉回首問誰償五十二年之艷陽落葉飄空難着樹春風
入鬢只添霜讀書有愧貽謀遠強善非邀後澤長少壯老時
都已閱無援無羨又何傷

百年彈指已過中生死無疑逐化工哭笑應嫌兒女態情形
多半馬牛風舟車不敵山河阻智勇何如福命通花月溶溶
春已暮幾人唱罷大江東

宜今宜古是清流巧便多勞拙便休對鏡圓光窺面面尋源
眞樂愧頭頭金將躍冶工應去草不出山香自悠已過清明
勤掃墓菜花初放麥將秋

風雨無愁有徹廬悠悠吾亦笑眞吾臨淵未覺魚龍化在野
談遠軒詩鈔

卷四

五

慣聽牛馬呼只爲閒多開卷帙每緣病久藉妻孥眼前富貴
花行謝酒債詩囊興不孤

此身原是夢中過衰老頽然不奈何食古三生尋脉望吐絲
千縷護燈蛾無窮水月今非昔未了春秋少亦多莫爲旁人
輕屈指風花雨果輟高歌

得過

得過便囂囂無文瀉海潮聲名山鳥播勳業水雲描借鏡懸
空月乘時指斗杓卧遊偶停目皇古夢魂遙

遊山吟

青山不我近白日不我待我老無羽翼少遊比昔倍登高興
悠然乘風欲入海海風雖云長來去不我宰山海若世情我

可通以賄

由棕陸行之省會

路喜向陽冬暖天熙熙人物往來聯排空霜葉樓臺外照眼
風帆日月邊水涸殘鱗驚集網湖平逸馬待誰鞭江城隱約
行將到幾處茅廬上暮烟

丙戌仲冬重遊大觀亭謁 余忠宣公墓

登臨已隔廿餘年沙鳥風帆然不然只有蓋臣兼大勇常昭
勝地共長天江流不廢吾先老井水猶寒鑑永懸任爾遊人
心跡異一齊翹首景前賢

崢嶸亭閣影參差雨雪風霜日夜馳依舊消磨無鐵漢從新

節義有金碑陶中丞爲公建大石碑于墓前身超憂樂聊傾酒迹涉飄零且

淡遠軒詩鈔卷四 六

咏詩敢向同人誇好句流連景物總情痴

少壯已過春不春况今寒氣逼吾頻誰人自返心無歡往昔
長存義更新有節有心推物理無芳無臭保天真蒼茫四顧
何寬大偃蹇忘懷屈亦伸

由皖江返棕口號

風緊天低雪有無客居情急上征途乾聲葉下寒驚夢斷石
泉空凍起圖雲漏日光輝遠寺馬衝烟靄破平湖渡頭兩岸
人俱擁牛背羣飛鵲自如

詞必已出

萬卷書曾讀闕深出好詞猶人非本意必已有前師牙慧何
堪拾雷同已早辭光華丹篆吐飄忽白雲馳剩粉殘膏去標

新領異時錦囊常自貯腹稟問誰知妙手拈來獨他題試更
宜作文須立品機軸各據之

除夕

年年年過去無計可留之除舊望新好待新因舊疑半宵客
心老萬戶爆聲馳且覆杯中物春風復幾時

桃花

蟠桃雖好孰知春小就繁華世便親未見花時都雪淡逢花
不看是何人

楊柳

碧玉周圍望似城光參星宿極天明垂絲色奪青袍艷舒眼
窺隨綠髻瑩雨別艇承珠顆颯風流人照水盈盈不知何日
淡遠軒詩鈔卷四

吟佳句看爾深藏 禁苑鶯

七

茂林

茂林中有人曠懷率其真寒暑雖代謝心胸常貯春君不見
玲瓏千仞石消受風清與月白空靈一無礙雲烟出其隙不
知炎熱交不解今古嘲輕塵飛不到自是從天教

生日感懷

天高地厚感 尊親日日悲懷此更真三月花隨甘旨盡五
旬春共姓名淪蓄魚徒見水融日護笋長教竹有筠因及提
攜無別慮且將詩酒保吾身

賞素心木蘭步澹園弟韵二首

紅塵不染挺奇姿幽谷知稀幸得知願爾水精簾莫捲芬芳

常在半開時

誰將清露釀瓊姿一片素心深自知待至春風香滿室何人不識正開時

步姪湘泉韻

亭亭映玉闌更喜不形單美女臨粧淡春風入室寒題紅難着字對酒欲忘餐月影橫窗外紛紛子細看

步姪穀人韻

超羣濯濯少和光月霧空濛只見香本是牡丹難與並非關

爛漫耀紅粧

旁有磁餅插紅牡丹數枝

立夏前一日同諸弟姪遊奎山醉後作

九十春光剩其一八九春隨風雨畢一日春晴我心快詩歌

淡遠軒詩鈔

卷四

八

不呼而自出挈榼攜壺向奎山長前少後竹林七風清時和題有無山淨水肥綠泛溢麥隴香氣熏肌膚一路咤謠響玉律青山見我忽一笑登臨不覺步趨疾集賢亭上正開筵鬢髮斑白讓我先烏助拇戰喚春去雲落窻前空垂涎杯盤狼藉人影亂日光欲下猶留半我怪羲和何不卒想因明日非春日

對竹偶吟奉懷諸昆季

竹對我兮我對竹相對森森都似玉竹實我可食不必鳴鳳風竹竿我可倚不必來窈娘竹翠如流我可濯不必歌滄浪我窺明月竹篩天月光散作百回圓我觀游魚竹入池魚穿竹影相迷離竹以我爲友我以竹爲師我聽衆鳥喧竹裏樂

羣恒於斯我尋梅竹宜雪梅花在此香更潔我消暑竹迎風
暮雨颯颯瀟湘中竹覆蘭兮我探蘭蘭香馥馥竹不關我避
俗兮竹不俗野馬到此都絕足竹有玲瓏韵天成之樂章竹
有參差序自然之雁行竹有清逸氣不花播天香我本落落
疎狂人竹也虛心不我嗔我非翩翩凌雲客竹也折腰不我
斥不以箏當肉清芬餐漸足不以稍爲簞映石續紛湘紋儼
坐卧於此何須卷

少年行

日月遞銷嘆傳薪總角突然少年人骨坼肌裂風雪逼疾呼
一聲天回春酒酣詩成射獵去大地茫茫無如身惟有白頭
人一見不覺黯然長河濱

淡遠軒詩鈔

卷四

九

遊妙峯寺

度岡循水曲緩步到禪關地僻堪留客墻低好看山新篁粉
微腿深樹鳥知還喚酒催明月清光此共攀

門通竹院撲幽香風雅諸君我獨狂滿眼詩情歌不出且聽
林鳥鼓笙篁

和風習習夏初時一石梁空駕小池縱有醇醪能醉客偏孤
明月伴吟詩

意氣殷勤本率真風輕日淡欲回春新詩幽景供搜討痴客

翻留送主人

姪完甫階平因
事先余下山

寺後蒼松勢攫拏平鋪碧草散金花雞聲喔喔啼中午汲得

清泉煮野茶

月照我心開神同隔世來空明渾似洗何處着塵埃

妙峯寺留贈弟近唐鍾靈暨姪完甫階平

山峯窈窕梳雲鬢溪流縈抱往復還松風謾謾泉泠泠莫非
助爾主人常開顏主人嫌我來太晚餐霞眠雲安我穩談傾
晝夜無冬夏光陰何嘗增一剎四月十四我來館十五十六
月已滿月有滿兮無不虧我去我來何憂懣主人口答情難
質但願一刻化作三百六十日放翁千億百東坡併來同我
一日歌

步鍾靈弟和妙峯寺留贈原韵

名山山名多名寺詭怪離竒狀人異中有異人飛仙去月照
風掃如空地不知何時跨鶴還一日千年遇不易我如逆旅
淡遠軒詩鈔卷四

卷四

十

客偶留君正英年神方求君不見仙峯石下琴改張潑潑惟
餘鯤鯢遊又不見藍山岩前潭不測疎疎空涵星點秋獨有
此山秀傑出不啻嵩嶽宮少室又如夜叩天門曙鳳簫鸞笙
奏一處妙人妙句奏不了妙峯之妙知多少

又

昔年偶上龍峯寺

在黃山

歲寒路難了不異迄今腰脚軟于棉

撇去竒峭踏平地感君殷勤赴君約別難何似來時易我身
去兮我心留我心留兮君何求溪水漣漪無波瀾會藝不須
夢中游陂塘急雨喧新荷先聲直奪桂林秋回首佳句五人
出十五夜坐小飲聯句何如阿房眇一室夜長夜短無不曙人生飲啄
有定處風吹月到妙峯了君看照我心上愁多少

採茶歌

驚雷笋抽芽雨露潛滋茶山頂調百鳥聲啼石花石骨海
上秀人心雨前賒濃淡杏與柳簇簇半女娃採摘丹梯迥飄
飄風燕斜金蓮忽飛鴛片片散雲根遠望凝峭石渴想掛幽
源天低髣生雲景迎霞拖裙黛色浸眉睫顧盼同忻忻笑語
出旗槍香氣了不分花顏雨不澹雪腕日不黦艱辛含婀娜
甘苦素所噉豐年貴似玉劬茶倍石粟黠甌欲成詩居然催
花燭金聘採蓮人遠來江南春見山未登山登山足戰翠蛾
鬢小姑誇捷精神新姑嬾憐我不我嗔雖不我嗔披霧摘艷
此志莫伸因人分甘顏懽心淪採蓮採茶功相當陸舟水馬
憂傍徨小姑嫁不離山鄉安信妾之凌波乘風能飛揚

談遠軒詩鈔

卷四

十一

打麥歌

有麥有麥書之史册夏全其春黃輝其碧上墮下岡東阡西
陌熟早秋三薦先穀百日至爭登農忙靡隙餉媪婦女勸勉
主伯無小無大匪朝匪夕咸集于田悉供其役餅餌熏蒸器
械絡繹刀影風流板光雪積驚起雉雛冲翻浪迹有卷斯收
如雲如席有束斯擔如翼如翮是刈是打是打是藉或在於
野或在子宅或短其袂或裹其額或髮如霜或汗如液轟轟
隆隆如雷斯赫急急攘攘如鬥斯格卧必竦聽響皆合拍鳴
鳴相催谷應無隔土養四時人追三百樹則榮鞠瑞則束帛
村村相聞處處有獲鼓不記里音隨地迫水以運磨巧與用
適或簸或篩或蒸或釋或切或搏或湯或炙或以延精或以

肅客彼習其勞我分其澤勞以詩歌聊以塞責

插秧歌

雷聲同雲影屬郊原一夜風雨足四更子規不住啼耕耘已
遍芳田綠麥已登蠶已熟家家插秧此事獨喜在心頭不知
勞相慶相勞聽我曲綠陰無琴鳴牛背無笛橫秧馬紛爭泥
上背高歌但覺馳驅輕上田方插下田吐東田秧少西田補
後者忽前左忽右兄促弟兮子帮父鳥窺花落夏日午婦饋
童餉風俗古水面青連叢笠影行行托出心力苦水亦不能
爲之清酒亦不能爲之傾腰曲頭低看寸進泥水雜沓併歌
聲回首烟鋪綠雲平柳陰牽牛笑相迎滿車滿家秋能成繡
罽分來剩碧肥江村暝色擔春歸

淡遠軒詩鈔

卷四

十二

初夏鏡見髻髮多白

逢時花柳乍驚人絮舞花飛髻益新莫厭懸崖悲瘦鶴久拚
白髮壓青春彈冠影動風迴雪露頂光輝月滿輪此去或愁
先我盡看他落落更相親

閒居

閒居無一事斗室足生涯身嬾非嫌俗心忙祇爲詩瓶花驚
筆落梁燕稔簾窺更看盆魚樂那知江海奇
睡醒仍在榻鼠嗅榻旁脂謾謾茶煎鼎疎疎蛛颺絲蝦簾蹴
波起鐵馬勒風馳清寂神無阻逋亡不用追
寶鴨吐氛氲書田足可耘今過自成古刻厲必由分鑑內無
人我壺中靜見聞堦苔微影動虫蟻自紛紛

着處便香熏非誇美不文汲泉天入甕浴硯水生雲有耀非
關燭逢春詎是醺長歌懷李杜可笑負山蟲

夏日雜咏

心閒無意道心灰享用何須蠟淚堆看劍不知年少去披書
如見故人來香雲幙卷風蓮沼白玉窻開露月台一枕溪山
酣入夢醒來翻覺鳥啼纔

非農非賈逐齊民天地悠悠寄此身茶竈藥爐嚴品格唐詩
晋帖足精神梧桐雨意絃歌潤泉石風期寤寐親不識炎涼
霜兩髻那堪名利髮千鈞

田家

不識誰之力田家上下肥遠花明映水細雨暗沾衣鳥聽秧
談遠軒詩鈔卷四十三
歌樂雲隨酒旆飛麥黃當煮藹香氣趁斜暉

雨

物化知時雨農夫夙夜勤千田下孤鳥萬笠起層雲犁振沉
泥熟秧開積翠分溪流賈餘勇船載又紛紛

晴

雨澤朝敷洽川原半夕陽綠雲連野潤白水共天長場角登
餘麥田隅剩老秧偷閒夢魂足歲歲熟黃梁

五日

去年客病過端陽今日家居莫感傷對鏡喜添新白髮披襟
堪戀舊香囊兒童鵠落金盤影婢女鴉分艾虎光慎重蘭湯
熏浴少篇章長把五絲量

靜夜

愛幽不成寐，遍靜夜。澄清蚓笛歌，先闕燈花笑。有聲吟哦，孤影伴起坐。暗風生庭綠，低團露天高。河漢橫。

團扇

月團扇如之，月虧扇不虧。盈虧月未幾，團扇生餘悲。不悲顏色瘁，但悲秋風至。秋至憂沉淪，亦可全其真。驅暑固一致，身退意尚伸。

繪我爾將之，山水伴不虧。轉恐山水靈，葉落放翁悲。增詩相榮瘁，情先清風至。置篋嘆爾淪，用多淪爾真。一置復一用，屈之卽爲伸。

竹簟

談遠軒詩鈔

卷四

十四

陰崖寒谷秀，篔簹剖織鋪。來白玉牀一，展便教無酷暑。况經風雨入瀟湘。

竹夫人

斑痕隱約湘妃淚，應是年年苦別離。攜爾卧看天漢上，合歡牛女更無時。

藤枕

鑿險求藤古，迎涼製枕工。虛中能納秘，透外欲生風。快意窻臨北，清心首自東。遊仙消午夏，不藉石玲瓏。

卧雪奚能夏，經霜早在冬。幽清當竹掃，蕭颯若濤舂。入夢難藏鹿，因緣不化龍。猶饒雲雨意，恍惚出層峯。

夢七弟萑江

醒自無聊夢遊仙竒怪歷萬千追風躡景旋乘船流連
河漢日月邊天風吹我過崑岷弟遊前後多從人生死永隔
忽一見夢裏知是夢魂親相持慟哭無他及父母兄弟平安
眞淚眼未枯偏能醒語言音響懸空庭虫聲唧唧風冷冷出
入夢醒悲無停

談遠軒詩鈔

卷四

十五



大夢醒悲無停

其夢未醒猶猶猶猶猶猶猶猶猶猶猶猶猶猶猶猶猶猶

忽一見夢裏知是夢魂親相相相相相相相相相相相相

眞淚眼未枯偏能醒語言音響懸懸懸懸懸懸懸懸懸懸懸懸

入夢醒悲無停

淡遠軒詩鈔卷五

涇川吳寅畏堂著

男銘曾誌之校字

夏至日同九兄瓊圃十一兄竹屏往西山書屋尋湘南
姪不遇

夜短晝長日長至是日和藹春無二西山幽勝三人諳三人會讀

書于此近秘文房絕構四聞近製四美詩甚佳興長景肥路轉促過橋穿

樹嵐光續娑蘿新枝上霄漢綠陰罩門門如玉鬼神呵護測
誠叵遠見洞開近落鎖鳥隨人去寂無聲新篁嫋嫋有故情
繞屋觀之寶騰躍中有詩卷神俱清三人意足同引去風飄

淡遠軒詩鈔卷五

白雲散處處案頭俚句墨初乾美之不得空長嘆予亦有文房四嘆句

榴花

綠枝低亞晚霞流盡吐丹心不肯留六實結來天澤渥開時
原未計嘉休

閏五月二日大雨

衣霉枕膩熏爐淡雲重雷藏白晝昏河岸已聞多壞屋天心
何故又傾盆即今收拾淫霖意入後敷為救旱恩飢溺在懷
非慮世一生詩酒向誰論

初三日雨止

天心仁愛自不測終夜奔騰勢莫勒不風散之不雷動羲和
朝鼓雨師北人言畏日我愛日萬類忻忻隨之出補屋耘田

浣兼餉牧馬釣魚蚌爭鵝我閒無以弭其隙一首新詩杯三百

閨端陽

日重光月重輪十有九年七閨巡人生稀見三十閨况乎佳節誰能頻五十三歲才及四可見端陽閨當記前者不因少壯留後者偏將衰老致晴不成旱雨不溢鎮惡已矣更迪吉但惜心逐龍舟飛轉瞬飛度三十日菖蒲益年糗益智浩歌未終飲徑醉

有感

水流輕舟去舟去不日來水歸滄海底何日同舟回或言氣以運復上崑崙隈試觀海不溢長流嘆水哉生死若輪轉因淡遠軒詩鈔卷五

以一理推魂魄吾無見此身已成灰盈虛固不測測之真堪哀

讀棗堂大兄詩集

天上文星墜七年人間幾次夢遊仙山河想像中心結風日炎涼世事遷懷古無如忠孝憤感時難趁物華妍家居莫負先賢訓遺卷初開涕已漣

題竹屏十一兄入洛吟

山川并古蹟鬱爲大文章長途風雨驚念釋在倫常一日讀一過我心有餘傷登高望不極悠然共天長

十一日雨暴

初八九十天過熱屋內人如冷內鐵布非火浣色應焦鳥非

火食飛應折汗不成流飯難咽但求一兩萬想滅欲雨不雨
到今午忽然三點兩點歇地蟲蟲兮日更烈人心惶恐口出
舌鞭龍不見血雷電誰肯掣四圍墨雲合欲垂萬竿銀竹挿
已瞥暑踞長城氣凝結雨奔驟馬勢傾穴平坦水湧爭跳珠
高簷溜急衝碎雪清風遶室室淨潔蚊蚋蠅蚤都掃絕浴罷
披衣出門看行雲淡淡籠明月

題竹屏十一兄青燈課子圖

茂林深處好人家紡讀聲高靜不諱詔義勉勞真可久有燈
無碍月西斜

閒意

無術留年少何愁到老艱不能身後慮落得死前閒倚石看

淡遠軒詩鈔

卷五

三

流水開窓見遠山莫言天上樂應不及人間

十四夜看月

乍雨乍歇晝入夜月行雲中似傳舍香車美人珠箔垂風湖
蚌胎荇藻亞又如蠟燃積雪中邊俱徹何明通梅花點點
烟靄破寶光騰騰水精融龍蛇戲珠吞復吐狡狴戀毬縱且
舞鷹起沙塵搏玉兔鳳引翠鳳幕桂戶爾我勸傾三百尊醉
眼朦朧隔練寫江心鑄鏡波濤生水湧鏡飛不可把仰瞻忽
誘博約依然顏若孔之卓何暇嘆息荆山璞

蕉衫

巧製新衫展綠蕉堂堦鎮日雨蕭蕭爲絺更覺含風軟辟火
應無嘆背焦學士書同題玉掌美人情可薄冰綃迎涼不用

青羅扇修竹招來病自消

蒲履

蕉衫已着應何履取稱無如巧織蒲圮上拾來迷淺草湖邊
踏去逐雙鳧輕浮水面尋仙侶綠遶烟痕入畫圖赤脚履水
安足羨平生幾兩傲當途

紗厨

選勝隨時主客娛雲亭水閣坐紗厨幾年塵絕籠詩好一席
風流與道俱竹引清光搖翠羽山窺爽氣上羅襦蕭疎隱約
搏冰雪四角香烟駐寶爐

宮怨

修德修容已有年君王不見見應憐篆香難燼千盤曲明月
淡遠軒詩鈔卷五

惟貞一樣圓

四

由青邑船行之大通看採蓮

未能力食學耕田愛放詩歌棹酒船對此醇醪原不愧看如
流水問誰憐翩翩欲化莊周蝶寂寂空餘賀監蓮言笑綠雲
關不住香風透破夕陽烟

和友人看花韵

二月花將半百年我過中我吟君句瘦花照我顏童笑我花
生色惜花君自空亦知風雨意花實運無窮
花我不相期叨君引合之風兼香氣緩日爲賞心遲醉態應
償酒天然可贈詩高歌殊未已影見月迷離

六月望湘南姪邀余同瓊圃九兄竹屏十一兄西山書

屋夜飲

竒從詩句得

西北角拓地數弓
主人詩以紀之

神與月光新

前月每
為林翳

席地開

今古殷勤好款賓

日早銜山氣未涼到來便欲滌枯腸
清泉佳茗稱雙絕一飲都教世味忘

西山暑易退入夜酒相宜
量淺樽常滿蟾高席每移時同清
晝靜誼與古人期莫道精光飽應先主客疲

看時酒旨稱良宵

明日

主客相能動碧霄同賞月輪圓此夕莫愁

桐葉下明朝

立秋

清風無自催華燭虛籟徐參過玉簫露重

歸來方夜半避人疎步度溪橋

暑夜人每
問于橋上

題竹屏十一兄買秋樓詩集

淡遠軒詩鈔

卷五

五

萬里風雲飛北海千行松竹繞東坡
瓊樓縹緲居何處尋到秋聲便不磨

木落樓高護彩霞莫追桃李逐春華
詩陶性理如金鑄明月清風不待睎

題小竹姪夢遊仙圖

水是銀河落橋疑鳥鵲填遊仙從此去
夢醒不知年

飄忽雲霞艷逍遙鶴鹿閒料無天上淚
重滴到人間

望雨

立秋後
十日作

百穀芘芘秋垂成入秋旱魃忽來爭
望歲待澤心皇皇千譬

萬喻無其情慈母倚閭嘆將夕貞女上
山立如石抱道聖賢

遇明主中有讒慝為之隔暗者思語聾
思聰馬奔阻水船阻

風故人惟瞻星朗朗循吏但聽車隆隆邦以民爲本民以食
爲天失天乃呼天天憐應挽長河作飛泉天或未能憐天或
未能知天果憐兮天果知化戾爲順化忍爲慈風不鳴條海
不揚波豈惟一雨今秋有禾其雨其雨人齊歌嗚呼不雨奈
天何嗚呼不雨天奈何

大喜雨

或槁或蕪歡嘆歧幾傷雷雨太公私天心本篤栽培者未盡
人工莫浪思

七夕前一日看月

仰首無端月影殘高樓寂寞玉闌干要知天性生來拙預作
來宵一樣看

淡遠軒詩鈔

卷五

六

看星河

天河無岸亦無波牛女森然未敢過義禮分明時不可人間
云待鵲橋何

七夕看月

何事人情百感生可憐成見莫能爭我看依舊無他巧惟有
光添一線明

看星河

歌詩品果恰涼天渺渺星河隔兩仙縱絕風波人急殺鵲橋
未備不思前

如期相見亦欣然不泥私恩不憤捐別易會難皆一理非關
權樂有明年

七夕無星月

乞巧人人待巧來，雖多絃管未吹開。只緣乞盡心無厭，雲霧聊爲避債台。

紛華天上亦應移，畢雨箕風費賀儀。自是人間看不見，翻疑牛女苦相思。

秋柳四首

攀折不勝春夏天，入秋何事益淒然。參差照眼藏書閣，寂寞驚心咽露蟬。暮雨無人搖古戍，斜陽有影帶寒烟。關情豈待和風暢，雪舞紛紛意象牽。

纔歌滿面撲楊花，不覺遙天落暮雅。住艇雨餘滴稀續，垂綸雲漏日難遮。津亭忽作寒崖倚，關塞猶連匹馬還。極目蕭條淡遠軒，詩鈔卷五

何可道，陡然空外動悲笳。

七

尙幸先生倚舊廬，隋堤藿谷待何如。風吹野店飛花少，月照清江落影疎。老樹不堪重徙病，枯枝休得再穿魚。三眠入定何時起，濯濯流光轉眼舒。

依稀星影掛寒柯，雨別風流各半何。上苑似留春色在，章臺翻漏月華多。老人帽落輕梳髮，織女機空笑擲梭。長笛一聲樓外繞，鄉心又似爾生波。

將出門

處暑後十日作

熱時不雨雨不晴，一熱一雨阻我行。熱爲旱甚禾多槁，望雨救旱助之傾。旱不能枯，雨以芽不枯，不芽無一家。天不有我，豈阻我阻。我有歲心，何嗟旣嗟。歲不穰，復嗟津無梁，水面掠。

稻帶泥納我聽聲聲摧肝腸肝腸摧斷雨不斷晝日夜燈都
無光我豪我囊徒裏餒糧我蓋我張曾未啓行不知何日出
門去惟有豐稔看他鄉

喜晴

日愁從此嘆無年久雨天晴可補天物我欣欣不嫌晚喜晴
詩作出門前

由里門之青陽

雨後路瀕河秋風入午和艱難隨日盡閱歷較時多淥蟻邀
人住紅顏阻客過寒蟾懸枕上耿耿故相磨

早出青邑道中

半啓城門狹纔升旭日圓稻芒金有氣露葉玉生烟樵菜趨
淡遠軒詩鈔卷五

朝市山林出客鞭猶憐昨夜月銜嶺影嬋娟

晚過五雲菴齊山埂

登高舉目舒夕照散樵漁網補當門女花垂倚樹廬深菱浮
水密衰柳映堤疎秋色沿行路因何獨到余

由郡城出青溪渡江

蹈足聲歌隊行舟水草科岸迴樓閣去人雜笑談多至險誰
能識長江不意過我心常慄慄豈必爲風波

晚泊湯家溝

窈烟散雲霧村舍隔霞綃樹密帆留轉疊多槳慢搖晚潮平
市戶遠火認浮橋指點舟人泊東窻待月邀

由湯家溝之石溪

不喜開橋早惟憐卽景幽歲豐閒採食女弱共移舟

湖面湖中草實

男女俱採食而女舟每加一二人搖槳

繞岸山迎送驚鶯鳥去留風塵應可避

微雨灑街頭

上岸時值細雨

遊淨山

有引

丁七月念一日到石溪次日予偕弟翼堂并諸友買舟往遊眼昏足弱兼以飲酒流連僅歷數所詩以紀之具列于左回憶向遊幾近卅載搜羅雖富而情隨事遷不克復爲追味是可慨也

數里片帆揚停舟陟鳳崗坦途盤磴滑古井落花香石出蒼

松倒竹深紅寺藏殷勤與僧話大半是家常 右華嚴寺

地靈時更好燕飲薄瓊瓊林酒落參天樹

日午飲酒樓上

簷摩負漢禽

採芝低鹿洞引水散琴心縱使堪垂象空山自古今 右金

谷巖

卷有吳太史像

淡遠軒詩鈔

卷五

九

未見神靈跡應由間氣鍾有泉皆噴玉無響不吟龍洞口弓

全曲天心線剩縫壺中堪度日難得白雲封 右一線天

卽在

金谷巖

峭石界西東乾坤一竅中魁奇能障日穴竇自生風小憇天

然處長教世俗空紫霞更盤谷誰與判窮通 右紫霞關

一名

盤谷關

勝負何關事分明欲化仙昔年柯已爛今日石猶堅星點空

搖彩風生已泊船息機甘守此黑白自能全 右爛柯石

俯澗流何迥橋看萬古新倘羊誰逐石逸豫詎翻銀耳失金

雞唱風迴烏鵲馴往來通我輩不見有仙人 右仙人橋

有上

金雞洞

不識風雲會到來龍虎關昔人曾燭壁

明鍾竟陵先生有燭壁詩并當時和者俱存

故我欲崇山但覺憑高快幾忘鑿險艱瑯玕皆化鳳何日引

雛還向竹甚盛今無一存

右龍虎關在會聖巖

由石溪過孔城之橋上

兩渡便悠長山鄉接水鄉林開鳥翻白隴合稻交黃市關方言雜塵飛馬足忙光華射輿蓋澗底蕩斜陽

道中看落日

將下羲和馭茫然萬象搏風微扶草軟鳥倦向巢歡赤岸流光嫩蒼松掛影影寒精靈圓更大山遠一留看

橋上晚眺

客况閒中聚蒼涼雨後重曲流寬一帶圓嶺暗千松人歛歸

淡遠軒詩鈔卷五

十

烟影葵留向日容當秋少清句翹首望芙蓉

秋思誰能已幽光到處儲高騫瞻化鶴肥遯樂潛魚雁字風

輕度雲羅月細舒心源長活潑復此一清渠

竹匠

未盡刀戈力而能手口軍先聲全節破薄伐遞中分屈曲弓

開月屯連簾起雲梅蘭品同列利用策功勳

裁縫

天地彌縫意風霜布帛恩素絲光可鑑美錦製須論玉尺量

成式金鍼度少痕授衣詩句好長作一冬溫

月桂

春夏冬難見居然照眼明花能通歲放香不獨秋盈魄死疑

同槁弦生更鬥榮
嫦娥休嫉妬
早已月爲名

丹桂

初翻碧葉光凝艷
已是黃金鍊
作丹幽竅年多紅粟
燦小山叢密赤霞團
燕支細落姮娥冷
火齊輕飄玉女寒
色出尋常香更烈
有心能剖豈中乾

八月十四夜看月

人待中秋方賞月
我怕中秋雲中懸
中秋月與此宵同不補
今年補往年

獨遊月下恍登天
閬若仙凡盡醉眠
縱使來宵光更滿
肯教清潔負當前

空明能浸滿身涼
半是清閒半是狂
早絕雲隨鴻雁度
漸能淡遠軒詩鈔

卷五

十一

露落桂花香古今
看出千潭印動植
輝同一鏡揚已覺光華
通世界秋中忻賞更誰當

中秋月

秋氣清月光明
秋清月明秋正中
中秋誰得無深情
情鍾我輩不猶入
人人賞月我獨頻
中秋前後皆賞月
月賞中秋分外親
月輪高兮忘我卑
月光盈兮忘我虧
不虧不卑我同月
月所照兮我所思
我思美人隔千里
月照蒹葭墮秋水

客遊

有累何能客無情
詎解遊杖藜同秉燭
問釣欲從流今古常
興感乾坤半是愁
秋高當極目
奚必仲宣樓

遊白鶴峯感懷

同槁弦生更門榮嫦娥休嫉妬早已月爲名

丹桂

初翻碧葉光凝艷已是黃金鍊作丹幽壑年多紅粟燦小山
叢密赤霞團燕支細落姮娥冷火齊輕飄玉女寒色出尋常
香更烈有心能剖豈中乾

八月十四夜看月

人待中秋方賞月我怕中秋雲中懸中秋月與此宵同不補
今年補往年

獨遊月下恍登天閭若仙凡盡醉眠縱使來宵光更滿肯教
清潔負當前

空明能浸滿身涼半是清閒半是狂早絕雲隨鴻雁度漸能
淡遠軒詩鈔卷五十一

露落桂花香古今看出千潭印動植輝同一鏡揚已覺光華
通世界秋中忻賞更誰當

中秋月

秋氣清月光明秋清月明秋正中中秋誰得無深情情鍾我
輩不猶人人賞月我獨頻中秋前後皆賞月月賞中秋分
外親月輪高兮忘我卑月光盈兮忘我虧不虧不卑我同月
月所照兮我所思我思美人隔千里月照蒹葭墮秋水

客遊

有累何能客無情詎解遊杖藜同秉燭問釣欲從流今古常
興感乾坤半是愁秋高當極目奚必仲宣樓

遊白鶴峯感懷

山川依舊歲時駸少壯居然成古今
矯首似聞跨鶴笛俯流誰見卧龍吟
蘆花仰面平鋪雪桂樹當心細剖金
到此悠悠堪一醉年來酒力不勝任

陳愼菴步遊白鶴峯感懷原韵疊此申意

秋聲入耳馬駸駸客地如歸昔更今
喜見鳴鸞出天響悲從歌女向堦吟
清江勢湧千堆雪丹灶光騰百鍊金
寶不終藏知引力陶甄利用愧能任

三疊

岡奔壑赴勢何駸一點文星鎮到今
商羽肯從巴下曲風雷終廢草間吟
深山璞剖方知玉空谷音來不貴金
三舍已將旗鼓退長城堅壁本難任

淡遠軒詩鈔

卷五

四疊

潮退江湖赴壑駸後來感激化從今
登高不覺當風嘯入定還須面壁吟
一想逍遙披鶴氅半生塊壘薄泥金
客中思索緣君盡霜雪隨教兩鬢任

五疊

時迎詩使往來駸愛古從知不薄今
勢事艱難開慷慨聲歌騰沸積沉吟
時適會劇非誇枵腹空留積屢致蘭言
比斷金縱極憑臨窮眼界築壇終是爲君任

同維屏四兄程楚蘭遊白鶴峯步韵

詩境薄蒼穹人工奪化工有華皆引實
無象不凌空烟抹山疑紫波開日射紅
年年流覽意盡在醉醒中

登臨卽上穹放浪詎須工人逐江山老秋同鳥鼠空浮雲照
眼白下界起塵紅安得神來筆置身圖畫中

誰將興廢問蒼穹極意經營拙可工已是匠心窺色色那知
天影落空空江湖水涸分清濁林木霜侵出紫紅詩債不知
何日了鄉心更在夢魂中

棕陽晚泊

斜陽下紅葉三老急前程遠火波心出輕烟水面生岸迴帆
索軟林靜犬聲清不必霜鐘警河街屢報更

出湖口

不覺青山連岸去陡看白水向舟橫風雲色暗乾坤隘波浪
聲高性命輕着力半帆躡飛鳥入神一舵過奔鯨滿懷壯志
淡遠軒詩鈔卷五
十三

空投筆且自歌謠利涉情

棕陽渡口晚眺

到處看窮通黃昏立老翁山銜半壁日船落一帆風入樹烟
分綠流霞水合紅漁人猶未歇雙槳極遙空

閒吟無不盡况是客中經沒雁蘆花白迎魚菜葉青柴船漫
山逼疊滴晃珠零薄暮流連意歸來步幾停

由蟬子口之朱家礮

浪影失秋毫鄰鄰但繞篙停雲沈霧縠截網掛銀刀點水黃
花靜迎舟綠樹高惟隨河道曲莫使我心勞

九日同王調梅汪儒珍汪席珍王濟川諸友看龍頭松

每逢佳節酒杯寬更喜奇松結伴看偃蓋已逾芝九曲交枝

應費鶴千盤鬣鱗漸比丁年盛霜雪何愁午夜寒卽此山中
堪壽世到來潮湧想瞻韓

蔭地朝天一畝寬重陽須作菊花看美人低拂釵交股玉露
常承月滿盤謾謾風聲原不熱蒼蒼翠影詎驚寒吟詩把酒
心何托愧少仙才願識韓

合脯醮錢誰最寬何人不道徹宵看氛氲百子香成霧繚繞
雙龍火作盤會出龍燈過此招來九秋客有心贏得萬年寒揣懷

應把秦封却落落從遊亦爲韓

讀書秋樹歲時寬况復龍頭到老看但聽笙篁霏玉屑追辭
粗糲媿金盤影留鴻雁雙飛彩字挾風霜一樣寒總是儒林
輝 聖廟山居早已薄申韓

淡遠軒詩鈔

卷五

十四

相期在澗碩人寬只愛堅貞取次看片片雲低封白練離離
日出卦銅盤周觀每作龍蛇想小憩那知衣袖寒福地鍾靈
不闕禱諫尊佛骨永稱韓

諸友步韻疊此申意

誰夢生來腹上寬才雄倚馬可相看神滋根土飛雲蓋光溢
脂膏奪炬盤想見形容喬梓秀吟追風雨杏壇寒誦揚幾笑
蟬蛸撼自古文章仰杜韓

無榮無瘁意常寬已是千年一日看托響渾忘蟪蛄老摹形
奚似蟄龍盤高風自有天然韻勁節何妨歲不寒堯棟須完
巢父志休辭載筆蓋劉韓

謾道生枯雙管寬神遊勝是畫中看聯吟應借鬚爲筆動衆

還來肉作盤勢壓雪霜千丈屈光搖星斗一天寒虬枝料有
成龍者待澤蒼生仰富韓

莫爲根基較窄寬詩能繪取萬方看吟風已可任天用卧雨
猶教向地盤屈鬱枝誰憐骨勁斑爛鱗早護心寒要知滅灶
非欺敵樹下偏師孰救韓

諸友屢惠和韻今將旋里復疊原韻志別

玩索瑤篇字義寬風塵僕僕亦須看賦松已屈題糕客見月
重圓引玉盤離別頓教方寸熱關山歷盡暮年寒囊中新貯
連城璧貴重應誇奕奕韓

炎遠軒詩鈔

卷五

十五

數城疊貴重應誇奕奕韓

重圓引玉盤離別頓教方寸熱關山歷盡暮年寒囊中祿

尺索源流字義寬風塵僕僕亦須看賦松已屈題糕客見月

猶教向地盤屈鬱枝誰憐骨勁斑爛鱗早護心寒要知滅灶

非欺敵樹下偏師孰救韓

諸友屢惠和韻今將旋里復疊原韻志別

玩索瑤篇字義寬風塵僕僕亦須看賦松已屈題糕客見月

重圓引玉盤離別頓教方寸熱

關山歷盡暮年寒囊中祿尺索源流字義寬風塵僕僕亦須看賦松已屈題糕客見月

